

O Xurado Provincial de Clasificación de Montes veciñais de Pontevedra, dictou a seguinte **RESOLUCIÓN**:

ASISTENTES

PRESIDENTE

D. José A. López Rodríguez
(Delegado Provincial da Consellería de Medio Ambiente)

VOCAIS

Dna. M^a Luisa Pardavila Pazos
(Avogado polo Colexio da provincia)
D. Manuel Francisco Gutierrez
(Xefe do Servizo de Montes e Industrias Forestais)
D. Luis M^a Muiños Vidueira
(Letrado da Asesoría Xurídica da Xunta)

VOCAIS REPRESENTANTES DA PARROQUIA DE MOURENTE DO CONCELLLO DE PONTEVEDRA

D. Manuel Solla Tomé
D. Carlos Morgade

SECRETARIA

Dna. Pilar Pita Ponte
(Xefa de Sección do Servizo Técnico-Xurídico da Delegación de Medio Ambiente)

Na cidade de Pontevedra, sendo as dezasete horas do día vinte de febreiro do 2003, coa asistencia das persoas ó marxe reseñadas, reúnese na 3^a planta do edificio sito no n^o 47 da rúa Benito Corbal o Xurado Provincial de Clasificación de Montes Veciñais en Man Común ó obxecto de decidir sobre a clasificación do monte “Cachadeiras” da parroquia de Mourente do concello de Pontevedra.

ANTECEDENTES DE FEITO

PRIMEIRO.- Por D. Manuel Solla Tomé, solicitouse en data 13/05/99, a iniciación dos trámites para a clasificación como veciñais en man común do monte “Cachadeiras” da parroquia de Mourente do concello de Pontevedra.

SEGUNDO.- O Xurado Provincial de Clasificación de Montes Veciñais na súa reunión de data 08/02/02 acordou iniciar los trámites para a clasificación, así como a remisión do expediente ó Servizo de Montes e Industrias Forestais co obxecto de elabora-lo informe preceptivo, nomeándose ponente do mesmo a Dna. M^a Luisa Pardavila Pazos.

TERCEIRO.- Cumprida e observada a tramitación legal e regulamentariamente esixida, procede a apertura do trámite de audiencia formulándose alegacións por parte de D. Bernardo Couto López alegando que o monte obxecto do presente expediente de clasificación comprende unha finca da súa propiedade, aínda que non aporta proba algunha, nin tan siquiera a descripción nin a planimetría.

Fora do trámite de audiencia o solicitante presentou alegacións sinalando que a descripción da parcela contén un erro no lindeiro oeste derivado do propio escrito de solicitude que sinalou a estrada a Bora cando en realidade linda con propiedades particulares.

CUARTO.- Visto o informe previo, o informe preceptivo do Servicio de Montes e Industrias Forestais, así como as alegacións formuladas, o monte obxecto do presente expediente de clasificación, obedece á seguinte descripción:

Concello: Pontevedra
Parroquia: Mourente
Nome: “Cachadeiras”
Cabida: 2.015 m/2
Lindes:
Norte: Estrada CN-541
Sur: Camiño veciñal
Leste: Muro que a delimita de propiedade particular
Oeste: Propiedade particular

Este monte atópase atravesado en dirección norte/sur pola estrada a Bora. A superficie desta estrada tense descontada da cabida sinalada.

FUNDAMENTOS DE DEREITO

Primeiro.- O Xurado Provincial de Clasificación de Montes Veciñais en Man Común ten a competencia para coñece-los expedientes de clasificación dos montes que teñan tal carácter a tenor do establecido no artigo 9 da Lei 13/1989, do 10 de outubro, de Montes Veciñais en Man Común.

Segundo.- De conformidade co artigo 1 da Lei 13/1989, do 10 de outubro, de Montes Veciñais en Man Común, e no artigo 1 do Decreto 240/1992 do 4 de setembro, compre entender por montes veciñais en man común “... *os terreos radicados na Comunidade Autónoma de Galicia que, con independencia da súa orixe, as súas posibilidades productivas, o seu aproveitamento actual e a súa vocación agraria pertencen a agrupacións veciñais na súa calidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cuotas, os membros daquelas na súa condición de veciños*”.

Así, segundo abundosa xurisprudencia, o feito que xustifica a clasificación ou non como veciñal dun determinado monte, en vía administrativa, é a circunstancia de terse ou non demostrado o aproveitamento consuetudinario en man común, prescindindo das cuestións relativas á propiedade e demais dereitos reais.

Terceiro.- O uso en man común do monte “Cachadeiras” tense suficientemente acreditado polos informes do Servizo de Montes e Industrias Forestais, principalmente o informe de 3 de xaneiro do 2000, nembargantes, segundo os devanditos informes ten que ser deducida da cabida do monte a superficie correspondente á estrada a Bora, de uso público e polo tanto incompatible co aproveitamento veciñal.




Asímesmo deben acollerse as alegacións da Comunidade de Montes solicitante, só no extremo relativo a constatación dun erro na descripción do lindeiro oeste.


Non poden, nembargantes, terse en consideración as manifestacións de D. Bernardo Couto López, pola súa ambigüidade e porque non se sustentan en ningunha clase de proba en contra do uso comunal.

En consecuencia, vista a Lei galega 13/1989, do 10 de outubro, de Montes Veciñais en Man Común e o seu Regulamento, aprobado por Decreto 260/1992, do 4 de setembro, e demais preceptos legais e regulamentarios de xenérica e específica aplicación, proponse polo Instructor e de maneira unánime o Xurado **ACORDA:**

CLASIFICAR como veciñal en man común o monte “CACHADEIRAS”, a favor da Comunidade de Montes Veciñais en Man Común da parroquia de Mourente do concello de Pontevedra, correspondéndose coa descripción reflexada no feito cuarto e a planimetría elaborada para o efecto polo Servizo de Montes e Industrias Forestais, que forma parte inseparable da presente Resolución.

Contra a presente Resolución que pon fin á vía administrativa, poderase interpoñer recurso de reposición con carácter potestativo perante o Xurado Provincial de Clasificación de Montes Veciñais en Man Común de Pontevedra no prazo dun mes, ou ben interpoñer directamente recurso contencioso-administrativo perante o Xulgado do Contencioso-Administrativo de Pontevedra no prazo de dous meses contados dende o día seguinte ó da presente notificación, de acordo co disposto no artigo 116 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, modificada pola Lei 4/1999, do 13 de xaneiro, e nos artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.





SITUACIÓN APROXIMADA
DO MONTE "CACHADEIRAS"



P.6.7613

Nº DA FOLLA 152-17 152-27	OBSERVACIONS : Os límites do monte (en verde) son os correspondentes ó CROQUIS* da clasificación (escala:1/25.000) Existe un plano de detalle da parcela clasificada a escala 1/250 * croquis: documentación gráfica sen carácter métrico.	AUTOR : SECCION TOPOGRAFIA	DATA : FEB.-2003 ESCALA : 1 / 5.000	TRABALLO : CLASIFICACIÓN DO MONTE "CACHADEIRAS" (plano de situación) CONCELLO : PONTEVEDRA PARROQUIA : MOURENTE COMUNIDADE : MOURENTE	XUNTA DE GALICIA CONSELLERÍA DE MEDIO AMBIENTE SERVICIO DE MONTES DELEGACION DE PONTEVEDRA
--	---	--	---	--	---

MONTE COMUNAL DA AMPROA

ESTRADA N-541

OURENSE

73.70 m

PONTEVEDRA

CUNETA

CUNETA

CUNETA

POSTE

Propiedade particular

16.00m

Propiedade particular

15.50 m

44.00m

CUNETA

52.00 m

CAMIÑO VECIÑAL SEN ASFALTAR

Propiedades particulares

BEIRADO

BEIRADO

POSTE

Superficie aprox. da parcela oeste: 610 m²
Superficie aprox. da parcela leste: 1.405 m²

VIVENDA

Propiedade particular



Nº DA FOLIA

OBSERVACIONES :

AUTOR :
SECCION TOPOGRAFIA

DATA : MARZO 2003
ESCALA : 1 / 250

TRABALLO : CLASIFICACION DO MONTE CACHADEIRAS
CONCELLO : PONTEVEDRA PARROQUIA : MOURENTE
COMUNIDADE : MOURENTE



CONSELLERIA DE MEDIO AMBIENTE

SERVICIO DE MONTES DELEGACION DE PONTEVEDRA

III. OUTRAS DISPOSICIÓNS

CONSELLERÍA DO MEDIO RURAL E DO MAR

ORDE do 28 de outubro de 2013 pola que se aproba o deslindamento total do monte veciñal en man común da Comunidade de Montes Veciñais en Man Común de Mourente, no concello de Pontevedra.

Examinado o expediente de deslindamento total dos montes veciñais en man común da Comunidade de Montes Veciñais en Man Común de Mourente (en diante CMVMC) e tendo en conta os seguintes

Antecedentes.

Primeiro. Os montes rexistrados a nome da comunidade de montes de Mourente son os seguintes: monte Pedreira, Amproa, Castro ou Senín, Vilaverde, Montinho, Freixeiro, Montecelo, clasificado no ano 1981 cunha cabida de 27,90 ha; monte Castrosenín, clasificado no ano 2000 cunha cabida de 13,71 ha; monte Cachadeiras, clasificado no ano 2003 e cunha cabida de 0,20 ha; e monte Campo de Cons e monte das Ceñas, clasificado no ano 2004, e cunha cabida de 2,31 ha.

Segundo. O 26.2.2008, o entón director xeral de Montes e Industrias Forestais autorizou que se realizase o deslindamento total dos montes veciñais en man común dos veciños da parroquia de Mourente, no concello de Pontevedra.

No *Diario Oficial de Galicia* núm. 67, do 8.4.2008 publicouse o Edicto do 28.2.2008 polo que se anuncia o comezo do deslindamento do monte veciñal en man común dos veciños da parroquia de Mourente, concello de Pontevedra. Do mesmo xeito, en cumprimento do artigo 98 do Decreto 485/1962, do 22 de febreiro, polo que se aproba o Regulamento de montes, as operacións de deslindamento notificáanse ás persoas interesadas ás que este fai referencia, contendo as notificacións as mesmas previsións que as fixadas no Edicto do 28.2.2008.

No xa citado edicto, fíxase o 15.7.2008 como día para o comezo das operacións de deslindamento, emprázase aos estremeiros e ás persoas que puideran ter un interese lexítimo para que asistan ao acto e dáse un prazo de 45 días naturais desde a publicación deste anuncio para que, os que se consideren con dereito á propiedade do monte ou parte del, e os estremeiros que desexen acreditar o que poida corresponderlles, presenten os documentos pertinentes.



Terceiro. Un total de 89 persoas interesadas presentaron documentación relativa ao dereito de propiedade, en cumprimento do artigo 97 do Decreto 485/1962. Esta documentación foi remitida ao Gabinete Xurídico Territorial de Pontevedra, para que procedese á súa cualificación, de acordo co disposto no artigo 100 do Decreto 485/1962, do 22 de febreiro, polo que se aproba o Regulamento de montes. O citado gabinete emitiu informes sobre a documentación presentada e clasificou os documentos achegados en dous grupos.

Unha vez recibidos os informes do Gabinete Xurídico o enxeñeiro operador emitiu informe sobre clasificación de predios e dereitos que foron aprobados polo xefe de Servizo de Montes co fin de cumprir o establecido no artigo 103 do Decreto 485/1962, do 22 de febreiro, polo que se aproba o Regulamento de montes.

Finalmente solicitouse ao Rexistro da Propiedade que estendese anotación preventiva nos predios daqueles propietarios incluídos nos grupos C) e D) no informe do enxeñeiro operador.

Cuarto. Para cumprir o Edicto do 28.2.2008, a que se fai referencia no antecedente primeiro, o 15.7.2008 iniciouse a realización do apeo das estremas do monte.

Para a realización do apeo, tívose en consideración o disposto na Lei 13/1989, do 10 de outubro, de montes veciñais en man común, que atribúe a propiedade á comunidade veciñal correspondente, en tanto non exista sentenza firme en contra.

Apeáronse un total de 10 montes: Castrosenín, Peneirada (3 parcelas), Montinho, As Ceñas, Cachadeiras (4 parcelas), Freixeiro (3 parcelas), Amproa, Montecelo (6 parcelas), Cons (6 parcelas) e Vilaverde (2 parcelas), e situáronse un total de 561 piquetes, 539 na liña principal e 22 en liñas auxiliares e en parcelas non propostas.

A superficie total apeada foi de 44,02 ha, das cales 29,36 ha corresponden a Castrosenín, 1,61 ha a Peneiradas, 0,50 ha a Montinho, 0,60 ha As Ceñas, 0,15 ha a Cachadeiras, 5,82 ha a Amproa, 2,42 ha a Montecelo, 1,80 ha a Cons, 0,46 ha a Freixeiro e 1,30 ha a Vilaverde. O perímetro total percorrido foi de 16.076 metros.

Os traballos de apeo en campo da liña de deslindamento concluíron o 19 de outubro de 2009.

Quinto. O 17.3.2010 o enxeñeiro operador emitiu informe relativo ao deslindamento total do monte veciñal en man común da comunidade de montes de Mourente, no concello de Pontevedra.



No dito informe fixo constar que os montes descritos na primeira clasificación a favor da parroquia de Mourente o día 11.12.1981 non se localizan nos lugares indicados no esbozo da carpeta-ficha e que os ditos enclaves non son terreos comunais. Non obstante, da información da investigación realizada e facilitada pola comunidade propietaria, os montes apeados son os que refire a clasificación.

Dos 10 montes deslindados apeáronse 28 parcelas, das cales algunhas foron apeadas por petición da Comunidade. O enxeñeiro operador propón no seu informe a aprobación directa de 17 parcelas dos 10 montes: monte Castrosenín cunha cabida de 29,26 ha; monte Peneirada: parcela 1 de 1,5 ha e a parcela 3 de 0,10 ha de cabida; monte Montiño de 0,50 ha; monte das Ceñas cunha cabida de 0,60 ha, monte Cachadeiras: parcela 1 de 0,04 ha e a parcela 2 de 0,08 ha; monte Amproa con 5,80 ha de cabida; monte Montecelo: parcela 1 de 1,63 ha; monte de Cons: parcela 1 de 0,18 ha, parcela 2 de 0,32 ha, parcela 3 de 0,84 ha e parcela 4 de 0,35 ha; monte Freixeiro: parcela 1 de 0,25 ha e parcela 2 de 0,18 ha; e monte Vilaverde: parcela 1 de 0,37 ha e parcela 2 de 0,58 ha.

O enxeñeiro operador propón non incluír no deslindamento as seguintes parcelas: Peneirada 2; Cachadeiras 3 e 4; Montecelo 2, 3, 4, 5 e 6; Cons 5 e 6 e Freixeiro 3 ao entender que non teñen un aproveitamento veciñal en réxime xermánico desde tempo inmemorial demostrado, ou por entender este que non se encontran dentro da correspondente clasificación como monte veciñal en man común. Respecto ás parcelas Montecelo 2, 3 e 4, estas foron excluídas polo enxeñeiro operador argumentando que teñen a clasificación de solo urbano, entendendo por isto que non poden estar clasificadas.

Para cumprir o artigo 119 do Decreto 485/1962, do 22 de febreiro, polo que se aproba o Regulamento de montes, o enxeñeiro operador remite, xunto co informe, o expediente completo ao Servizo de Montes de Pontevedra co fin de proseguir coa tramitación do expediente.

Sexto. Para cumprir o disposto nos artigos 120 e 121 do xa citado Decreto 485/1962, publicouse no *Diario Oficial de Galicia* núm. 92, do 18.5.2010, o Edicto do 21.4.2010 da Xefatura Territorial de Pontevedra, polo que se anuncia a apertura do período de vista e reclamacións, no presente expediente de deslindamento, dando, para tales efectos, un prazo de 15 días hábiles contados desde o seguinte ao da publicación do edicto, e se lle notifica ás persoas interesadas.

Durante o período de vista presentaron reclamacións as seguintes persoas interesadas: José Ferreira Carballo, Benito Piay Mirón, Pilar Juncal Reboredo, Lucía Pazos Diz e a Comunidade de Montes Veciñais en Man Común de Mourente.



As alegacións obtiveron o informe do 15.11.2010 polo Gabinete Xurídico Territorial e, exceptuando as presentadas pola Comunidade de Montes Veciñais en Man Común de Mourente, que se entende que xa foron tidas en conta polo enxeñeiro operador, o resto carecían de apoio documental ou eran apreciacións subxectivas.

Sétimo. O 10.2.2011 o xefe do Servizo de Montes de Pontevedra solicitou un informe ao Gabinete Xurídico Territorial sobre as parcelas Montecelo 2, 3 e 4, que foron apeadas, pero non se incluíron na proposta do enxeñeiro operador. Con base no dito informe, o xefe do Servizo de Montes de Pontevedra considerou que as ditas parcelas deben incluírse na proposta de resolución do deslindamento.

O 20.7.2013 o xefe do Servizo de Montes de Pontevedra, para cumprir o artigo 125 do Decreto 485/1962, do 22 de febreiro, polo que se aproba o Regulamento de montes, emitiu informe relativo ao deslindamento total do monte veciñal en man común da comunidade de montes de Mourente, no concello de Pontevedra.

O 30.9.2013 o secretario xeral de Medio Rural e Montes propuxo a aprobación do deslindamento total do dito monte veciñal en man común.

Consideracións legais e técnicas.

Primeira. De acordo co disposto nos reais decretos 167/1981, do 19 de xaneiro; 1706/1982, do 24 de xullo, e 1535/1984, do 20 de xuño, sobre transferencias de funcións e servizos do Estado á Comunidade Autónoma de Galicia en materia de conservación da natureza, no Decreto 13/2012, do 4 de xaneiro, polo que se fixa a estrutura orgánica das consellerías da Xunta de Galicia, e no Decreto 46/2012, do 19 de xaneiro, polo que se establece a estrutura orgánica da Consellería do Medio Rural e do Mar, a conselleira do Medio Rural e do Mar é competente para ditar esta orde.

Segunda. O Servizo de Montes de Pontevedra é competente para levar adiante este deslindamento, cumpridas todas as prescricións legais canto á publicidade, notificación e demais requisitos exixidos nos artigos 82 ao 125 do Regulamento de Montes aprobado polo Decreto 485/1962, do 22 de febreiro.

Terceira. As resolucións do Xurado Provincial de Montes Veciñais en Man Común atribúen a propiedade destes ás comunidades veciñais, en tanto non exista sentenza firme en contra, ditada pola xurisdición ordinaria, segundo determina o artigo 30 do Decre-



to 260/1992, polo que se aproba o regulamento para a execución da Lei 13/1989, do 10 de outubro, de montes veciñais en man común.

Tendo en conta os preceptos legais citados e demais de xeral aplicación e o informe e proposta do xefe do Servizo de Montes de Pontevedra, esta conselleira, por proposta da Secretaría Xeral do Medio Rural e Montes,

DISPÓN:

Primeiro. Aprobar o deslindamento total do monte veciñal en man común da comunidade de montes de Mourente, no concello de Pontevedra (Pontevedra), de acordo coas actas, rexistro topográfico e plano que figuran no expediente, así como coa descrición perimetral. A cabida total do monte veciñal é de 42,94 hectáreas, sen encravamentos dentro do seu perímetro, e queda integrado polos seguintes montes: Castrosenín, Peneirada 1, Peneirada 3, Montinho, As Ceñas, Cachadeiras 1, Cachadeiras 2, Amproa, Montecelo 1, Montecelo 2, Montecelo 3, Montecelo 4, Campo de Cons 1, Campo de Cons 2, Campo de Cons 3, Campo de Cons 4, Freixeiro 1, Freixeiro 2, Vilaverde 1 e Vilaverde 2.

A descrición dos montes deslindados é a seguinte:

– Monte Castrosenín.

Lindeiro norte: comeza no piquete núm. 204 do apeo e avanza con orientación leste ata o piquete núm. 6 en liña quebrada. Estremeiros neste tramo: propietarios particulares. Do piquete núm. 6 ao piquete núm. 15 o deslindamento toma dirección norte ata o piquete núm. 15. Estremeiros neste tramo: propietarios particulares. Do piquete núm. 15 ao piquete núm. 26 o apeo toma dirección leste. Estremeiros neste tramo: camiño de Bouza a Carabelos e estrada asfaltada con dirección á parroquia de Bora.

Lindeiro leste: comeza no piquete núm. 4 e avanza en dirección sur ata o núm. 31. Estremeiro: camiño de terra. Do núm. 31 ao núm. 47 describe unha poligonal cóncava desde o leste con dirección tamén sur. Estremeiros: propietarios particulares. Do núm. 47 ao núm. 51 avanza con dirección sur por camiño de terra. Do núm. 51 ao núm. 58 rodea unha propiedade particular. E desde o núm. 58, e continuando con dirección predominante sur, avanza polo límite parroquial entre Bora e Mourente ata o piquete núm. 76 respectando as propiedades particulares que se introducen nestes límites.



Lindeiro sur: comeza no piquete núm. 76 e discorre en liña poligonal con entrantes e saíntes ata o piquete núm. 133 con dirección predominante noroeste, estremando con propiedades particulares.

Lindeiro oeste: discorre desde o piquete núm. 133 ata o núm. 204, en dirección predominante norte, en liña poligonal cóncava desde o oeste e desde os piquetes núm. 133 ao núm. 158, dirección predominante norte desde o núm. 158 ao núm. 160, desde este circunda a propiedade do concello de Pontevedra cedida ao Ministerio do Interior ata o núm. 173. Desde o núm. 173 ao núm. 190 describe una poligonal convexa desde o oeste, para terminar con outra poligonal cóncava desde o oeste do piquete núm. 190 ao núm. 204. Estremeiros neste tramo oeste: propietarios particulares.

Cabida total do monte Castrosenín: 29,26 ha.

Encravamentos: non hai.

– Monte Peneirada 1.

Lindeiro norte: comeza no piquete núm. 7 ata o piquete núm. 15 máis ou menos con orientación predominante leste en liña quebrada cóncava desde o sur. Estremeiros: estrada asfaltada a Bora e propietarios particulares.

Lindeiro leste: desde o piquete núm. 15 o núm. 23 con dirección predominante sur en liña quebrada convexa desde o leste. Estremeiros: propietarios particulares e parroquia de Bora.

Lindeiro sur: desde o piquete núm. 23 ata o piquete núm. 2 en poligonal triangular con vértice no piquete núm. 25, e dirección predominante oeste. Estremeiros: parroquia de Bora e estrada asfaltada a Bora.

Lindeiro oeste: comprende desde o piquete núm. 2 ata o núm. 7 en poligonal con dirección norte. Estremeiros: estrada asfaltada a Bora.

Cabida total do monte Peneirada 1: 1,50 ha.

Encravamentos: non hai.

– Monte Peneirada 3.

Lindeiro norte: discorre do piquete núm. 33 ao núm. 34 en dirección noroeste. Estremeiro: estrada asfaltada.



Lindeiro leste: desde o piquete núm. 34 ao núm. 30 con dirección sueste. Estremeiro: estrada asfaltada a Bora.

Lindeiro sur: vai desde o piquete núm. 30 ao núm. 33 en dirección oeste. Estremeiro: propietario particular.

Lindeiro oeste: vai desde o piquete núm. 31 ao núm. 33 en dirección noroeste. Estremeiro: propietario particular.

Cabida total do monte Peneirada 3: 0,10 ha.

Encravamentos: non hai.

– Monte Montinho.

Lindeiro norte: comeza no piquete núm. 7 ata o núm. 10 con dirección leste. Estremeiro: estrada asfaltada a Condesea.

Lindeiro leste: vai desde o piquete núm. 10 ao núm. 12 en dirección sueste. Estremeiro: estrada asfaltada a Condesea.

Lindeiro sur: comprende desde o piquete núm. 12 ao piquete núm. 16, en dirección oeste do núm. 12 ao núm. 14 e noroeste desde o núm. 14 ao núm. 16. Estremeiros: propietarios particulares.

Lindeiro oeste: discorre desde o piquete núm. 16 ata o núm. 7. Con dirección primeiro oeste e logo noroeste. Estremeiros: propietarios particulares.

Cabida total do monte Montinho: 0,50 ha.

Encravamentos: non hai.

– Monte As Ceñas.

Lindeiro norte: discorre desde o piquete núm. 14 ata o núm. 18 con dirección predominante leste. Estremeiro: carreiro de terra de acceso a terreo particular.

Lindeiro leste: vai desde o piquete núm. 18 ata o núm. 2, con dirección predominante sur, pero formando unha poligonal triangular co vértice no piquete núm. 1. Estremeiros: carreiro de terra e propietario particular.



Lindeiro sur: discorre entre os piquetes núm. 2 e núm. 8 con dirección primeiro sudoeste ata o núm. 4 e logo oeste-noroeste ata o núm. 8. Estremeiros neste tramo: propietarios particulares.

Lindeiro oeste: discorre desde o piquete núm. 8 ata o núm. 14 con dirección predominante norte en liña quebrada. Estremeiros: propietarios particulares e camiño de terra de acceso a terreos e depósitos de augas de formigón.

Cabida total do monte As Ceñas: 0,60 ha.

Encravamentos: non hai.

– Monte Cachadeiras 1.

Lindeiro norte: discorre entre os piquetes núm. 1 e núm. 2 en dirección sueste. Estremeiros: dominio público da estrada nacional N-541.

Lindeiro leste: vai desde o piquete núm. 2 ao núm. 4 en dirección. Estremeiro: estrada asfaltada cara á parroquia de Bora.

Lindeiro sur: discorre entre os piquetes núm. 4 e núm. 7 en dirección oeste en liña poligonal. Estremeiros: camiños asfaltados a Bora e entrada a terreos particulares.

Lindeiro oeste: comprende o traxecto entre os piquetes núm. 7 e núm. 1 con dirección norte-noroeste. Estremeiro: propietario particular.

Cabida total do monte Cachadeiras 1: 0,04 ha.

Encravamentos: non hai.

– Monte Cachadeiras 2.

Lindeiro norte: discorre entre os piquetes núm. 2 e núm. 4 con dirección sueste. Estremeiro: dominio público da estrada nacional N-541.

Lindeiro leste: comprende o trazado entre o piquete núm. 4 e o núm. 5 en dirección sudoeste. Estremeiro: propiedades particulares.



Lindeiro sur: vai desde o piquete núm. 5 ata o núm. 1. En liña poligonal con dirección noroeste. Estremeiro: camiño veciñal asfaltado.

Lindeiro oeste: discorre entre os piquetes núm. 1 e núm. 2 en dirección norte-noroeste. Estremeiro: estrada asfaltada con dirección á parroquia de Bora.

Cabida total do monte Cachadeiras 2: 0,08 ha.

Encravamentos: non hai.

– Monte Amproa.

Lindeiro norte: discorre entre os piquetes núm. 22 e núm. 27 en liña poligonal con dirección sueste. Estremeiros: propietario particular e dominio público hidráulico do río Lérez.

Lindeiro oeste: vai desde o piquete núm. 27 ata o piquete núm. 45, en liña quebrada con dirección case sur. Estremeiros: propietarios particulares.

Lindeiro sur: comprende o trazado desde o piquete núm. 45 ata o piquete núm. 9, con dirección predominante noroeste en liña quebrada. Estremeiros: dominio público da estrada nacional N-541 e propietarios particulares.

Lindeiro leste: discorre entre os piquetes núm. 9 e núm. 22, en liña poligonal quebrada con dirección predominante noroeste. Estremeiros: propietarios particulares e camiño sen asfaltar.

Cabida total do monte Amproa: 5,82 ha.

Encravamentos: non hai.

– Monte Montecelo 1.

Lindeiro norte: comeza no piquete núm. 15 do apeo e avanza en dirección leste en liña quebrada ata o piquete núm. 24. Estremeiros neste tramo: propietarios particulares.

Lindeiro leste: discorre entre os piquetes núm. 24 e o núm. 34 en dirección primeiro sur e logo leste. Estremeiros: Instituto Príncipe Felipe e propietarios particulares.



Lindeiro sur: discorre entre os piquetes núm. 24 e o núm. 34 en dirección primeiro sur e logo leste. Estremeiros: estrada asfaltada de subida ao Príncipe Felipe e propietarios particulares.

Lindeiro oeste: vai desde o piquete núm. 1 ata o núm. 15 con dirección norte-noroeste en liña quebrada. Estremeiros: propietarios particulares.

Cabida total do monte Montecelo: 1,63 ha.

Encravamentos: non hai.

– Monte Montecelo 2.

Lindeiro norte: comeza no piquete núm. 4 ata o núm. 7 a través da beirarrúa da estrada que sobe ao Instituto Príncipe Felipe.

Lindeiro leste: discorre entre os piquetes núm. 7 ao núm. 1 en dirección sur. Estremeiro: propietario particular.

Lindeiro sur: comeza no piquete núm. 1 nunha pedra prismática de 40 cm e avanza ata o piquete núm. 3 pola estrada asfaltada PO-532.

Lindeiro oeste: vai desde o piquete núm. 3 ata o núm. 4 subindo en dirección norte ata a estrada que sobe ao Instituto Príncipe Felipe.

Cabida total do monte Montecelo 2: 0,17 ha.

Encravamentos: non hai.

– Monte Montecelo 3.

Lindeiro norte: comeza no piquete núm. 1 ata o núm. 2 a través da estrada PO-532.

Lindeiro leste: discorre entre os piquetes núm. 2 e o núm. 5 en dirección sur. Estremeiro: propietario particular.

Lindeiro sur: comeza no piquete núm. 5 e discorre a través da rúa das Olivas en dirección oeste ata o piquete núm. 7.



Lindeiro oeste: vai desde o piquete núm. 7 ata o núm. 1 seguindo un valo de pedra en dirección norte. Estremeiro: Promociones y Obras Montecelo, S.L.

Cabida total do monte Montecelo 3: 0,14 ha.

Encravamentos: non hai.

– Monte Montecelo 4.

Lindeiro norte: comeza no piquete núm. 1, na intersección entre a rúa das Olivas e a rúa de Abaixo, ata o núm. 2 a través da rúa das Olivas.

Lindeiro leste: discorre entre os piquetes núm. 2 e núm. 3 en dirección sur.

Lindeiro sur: comeza no piquete núm. 3 situado nun valo ata o piquete núm. 4, e discorre a través do muro. Estremeiro: propietario particular.

Lindeiro oeste: vai desde o piquete núm. 4 ata o núm. 1 seguindo a rúa de Abaixo en dirección norte.

Cabida total do monte Montecelo 4: 0,03 ha.

Encravamentos: non hai.

– Monte Campo de Cons 1.

Lindeiro norte: comeza no piquete núm. 7 do deslindamento ata o núm. 9 con dirección leste. Estremeiro: propietario particular e camiño asfaltado.

Lindeiro leste: discorre entre os piquetes núm. 9 e núm. 1 en dirección sur. Estremeiro: camiño asfaltado de acceso a terreos particulares.

Lindeiro sur: vai desde o piquete núm. 1 ata o núm. 3 en dirección practicamente oeste. Estremeiro: estrada asfaltada.

Lindeiro oeste: discorre desde o piquete núm. 3 ata o núm. 7 con dirección maioritariamente norte. Estremeiros: propietarios particulares.

Cabida total do monte Campo de Cons 1: 0,18 ha.

Encravamentos: non hai.

CVE-DOG: shu6olw0-vat6-l5l3-j7r9-fmnv5g6yag19



– Monte Campo de Cons 2.

Lindeiro norte: discorre desde o piquete núm. 6 ao piquete núm. 8, en dirección leste.
Lindeiros: propietarios particulares.

Lindeiro leste: comeza polo piquete núm. 8 ata o núm. 1 en dirección sur. Estremeiros: Casino Mercantil de Pontevedra.

Lindeiro sur: vai desde o piquete núm. 1 ata o núm. 3. Con dirección sueste e oeste.
Estremeiros: estrada asfaltada a Vista Real e entrada asfaltada a propiedade particular.

Lindeiro oeste: discorre desde o piquete núm. 3 ata o núm. 7 con dirección norte-nordés.
Estremeiros: propietarios particulares.

Cabida total do monte Campo de Cons 2: 0,32 ha.

Encravamentos: non hai.

– Monte Campo de Cons 3.

Lindeiro norte: discorre entre os piquetes núm. 8 ata o núm. 12, primeiro en dirección leste-nordés e logo en dirección sur-sueste. Estremeiros: estrada asfaltada a condesa e Granxa Vista Real, S.A.

Lindeiro leste: comeza no piquete núm. 12 ata o núm. 20 con dirección sudoeste en liña quebrada. Estremeiros: propietario particular e camiño de terra de acceso a terreos particulares.

Lindeiro sur: discorre entre os piquetes núm. 20 e núm. 24 en dirección sur ata o núm. 22 logo noroeste ata o núm. 23 e despois dirección nordés ata o núm. 24. Estremeiros neste tramo: propietario particular, estrada asfaltada do Pazo a Cons a Condese.

Lindeiro oeste: vai desde o piquete núm. 24 ata o núm. 8 en dirección nordés fundamentalmente, circundando a propiedade do concello de Pontevedra. Estremeiros: estrada asfaltada a Condese e concello de Pontevedra.

Cabida total do monte Campo de Cons 3: 0,84 ha.

Encravamentos: non hai.



– Monte Campo de Cons 4.

Lindeiro norte: comeza no piquete núm. 4 e vai ata no núm. 1. Con dirección leste. Estremeiro: estrada asfaltada.

Lindeiro leste: vai desde o piquete núm. 1 ata o núm. 2. Con dirección sudoeste. Estremeiros: estrada de Cons a Condesa.

Lindeiro sur: discorre entre os piquetes núm. 2 e núm. 3 no cruzamento de estradas asfaltadas con dirección a Cons de Abaixo e a Condesa.

Lindeiro oeste: estrada no piquete núm. 3 e termina no núm. 4. Con dirección predominante norte. Estremeiros: estrada asfaltada a Cons de Abaixo.

Cabida total do monte Campo de Cons 4: 0,35 ha.

Encravamentos: non hai.

– Monte Freixeiro 1.

Lindeiro norte: vai desde o piquete núm. 5 ata o núm. 6 en dirección nordés e do núm. 6 ata o núm. 7 en dirección sudoeste. Estremeiros: propietario particular e estrada asfaltada de Barcia a Freixeiro.

Lindeiro leste: discorre entre os piquetes núm. 6 e núm. 9 con dirección sudoeste. Estremeiros: estrada de Barcia a Freixeiro.

Lindeiro sur: discorre entre os piquetes núm. 9 e núm. 1 con dirección oeste-noroeste. Estremeiro: parroquia de Marcón.

Lindeiro oeste: comeza no piquete núm. 1 e chega ata o núm. 5 con dirección nordés. Estremeiros: propietarios particulares.

Cabida total do monte Freixeiro 1: 0,25 ha.

Encravamentos: non hai.



– Monte Freixeiro 2.

Lindeiro norte: comeza no piquete núm. 6 ata o núm. 2 con dirección leste. Estremeiros: propietarios particulares.

Lindeiro leste: discorre desde o piquete núm. 2 ata o núm. 4 (catro prima), en dirección sur. Estremeiros: propietario particular.

Lindeiro sur: vai desde o piquete núm. 4 ata o núm. 5 en dirección noroeste. Estremeiros: parroquia de Marcón.

Cabida total do monte Freixeiro 2: 0,18 ha.

Encravamentos: non hai.

– Monte Vilaverde 1.

Lindeiro norte: vai desde o piquete núm. 2 ao núm. 3, en dirección sueste. Estremeiros: propietario particular.

Lindeiro leste: discorre entre os piquetes núm. 3 e o núm. 7 en dirección predominante sueste en poligonal cóncava desde o nordés: Estremeiro: propietario particular.

Lindeiro sur: abrangue a marxe da estrada asfaltada de Vilaverde a Marcón entre os piquetes núm. 7 e o núm. 1. Estremeiros: estrada de Vilaverde a Marcón.

Lindeiro oeste: discorre entre os piquetes núm. 1 e núm. 2, en dirección nordés. Estremeiro: propietario particular.

Cabida total do monte Vilaverde 1: 0,37 ha.

Encravamentos: non hai.

– Monte de Vilaverde 2.

Lindeiro norte: comeza no piquete núm. 11 e vai ata o núm. 1, en dirección predominante leste seguindo a marxe da estrada asfaltada de Vilaverde a Marcón. Estremeiro: estrada de Vilaverde a Marcón.



Lindeiro leste: discorre entre os Piquetes núm. 1 e núm. 4, en dirección sudoeste. Estreitos: propietario particular.

Lindeiro sur: vai desde o piquete núm. 4 ata o núm. 7, en dirección primeiro ata o núm. 6 en dirección sudoeste, e logo do núm. 6 ao núm. 7 en dirección norte. Estreitos: propietario particular e estrada asfaltada de Vilaverde a Montecelo.

Lindeiro oeste: discorre entre os piquetes núm. 7 e o núm. 11 con dirección noroeste. Estreitos: estrada asfaltada de Vilaverde a Montecelo.

Cabida total do monte Vilaverde 2: 0,58 ha.

Encravamentos: non hai.

– Servidumes.

A maior parte dos montes pertencentes á comunidade de montes veciñais en man común de Mourente teñen camiños e pistas de servizo, así como tendidos eléctricos e telefónicos.

– Ocupacións.

Hai que destacar as ocupacións existentes no monte Castrosenín consistentes nunha antena de telefonía, un recinto cedido a Radio Pontevedra e diversas captacións de augas, unha delas con nave e depósitos.

Segundo. Que se cancele total ou parcialmente calquera inscrición rexistral en tanto sexa contraditoria coa descrición dos montes: Castrosenín, Peneirada 1, Peneirada 3, Montiño, As Ceñas, Cachadeiras 1, Cachadeiras 2, Amproa, Montecelo 1, Montecelo 2, Montecelo 3, Montecelo 4, Campo de Cons 1, Campo de Cons 2, Campo de Cons 3, Campo de Cons 4, Freixeiro 1, Freixeiro 2, Vilaverde 1 e Vilaverde 2.

Terceiro. Desestimar as reclamacións presentadas por José Ferreiroa Carballo, Pilar Juncal Reboredo, Benito Piay Mirón, Lucía Pazos Diz e pola comunidade de montes de Mourente. O motivo para desestimar as reclamacións presentadas por José Ferreiroa Carballo, Pilar Juncal Reboredo e Benito Piay Mirón é que, segundo informa o Gabinete Xurídico Territorial de Pontevedra, se trata de simples manifestacións reivindicativas de dereitos reais sobre determinadas parcelas afectadas polo deslindamento carentes de apoio documental e título lexítimo, non existindo ningunha proba con fundamento que faga des-



merecer o deslindamento proposto polo enxeñeiro operador. O motivo para desestimar a reclamación presentada por Lucía Pazos Diz en representación da comunidade de montes de Castro-Lampán, é que se trata dunha mera apreciación subxectiva que non achega nin un mínimo argumento de porqué o quebro que o enxeñeiro operador fai dos piquetes é incongruente. O motivo para desestimar as reclamacións presentadas pola comunidade de montes de Mourente é que, segundo informa o Gabinete Xurídico Territorial de Pontevedra, as consideracións feitas xa foron tidas en conta polo enxeñeiro operador.

Cuarto. Declarar expresamente que, no referente ás reclamacións de propiedade, a presente resolución esgota a vía administrativa e deixa expedita a xudicial civil.

Quinto. Que se notifiquen os novos datos resultantes da descrición do monte ao Rexistro Provincial de Montes Veciñais en Man Común de Pontevedra.

Sexto. Que se inmatricule o monte coas características resultantes no rexistro da propiedade.

Sétimo. Esta resolución entrará en vigor o día seguinte ao da súa publicación no *Diario Oficial de Galicia*. Os interesados poderán interpoñer contra esta resolución recurso de reposición, con carácter potestativo, no prazo dun mes ante a conselleira do Medio Rural e do Mar, ou ben interpoñer directamente recurso contencioso-administrativo, ante o Tribunal Superior de Xustiza de Galicia, no prazo de dous meses de acordo co disposto nos artigos 109 e 116 da Lei 30/1992, do 26 de novembro, do réxime xurídico das administracións públicas e do procedemento administrativo común, e nos artigos 10 e 46 da Lei 29/1998, do 13 de xullo, da xurisdición contencioso-administrativa. Ambos os dous prazos computaranse desde o día seguinte ao da recepción da notificación persoal polos interesados, ou ao da publicación para os que non puideren ser notificados persoalmente.

Santiago de Compostela, 28 de outubro de 2013

Rosa María Quintana Carballo
Conselleira do Medio Rural e do Mar

CVE-DOG: shu6olw0-vat6-l5l3-j7r9-fmrv5g6yag19





OBSERVACIONS :

Atendendo á disposición transitoria segunda do RD. 1071/2007, de 27 de xullo, pola que se regula o sistema xeodésico de referencia en España, a produción cartográfica realízase en ED50 contendo a referencia ETRS89, «UTM Fuso 29».

Asdo:

O xefe do servizo de Montes
Enrique Martínez Chamorro

Asdo:

O xefe da sección de Topografía
Alberto Acevedo López



TRABALLO : DESLINDE
PERTENZA : C.M.V.M.C. DE MOURENTE
CONCELLO : PONTEVEDRA

TITULO DO PLANO: PLANO XERAL DA PROPOSTA DEFINITIVA DE DESLINDE
DATA : XULLO-2013 ESCALA: 1:5.000 Plano: 11

VI. ANUNCIOS**A) ADMINISTRACIÓN AUTONÓMICA****CONSELLERÍA DO MEDIO RURAL**

ANUNCIO do 3 de outubro de 2025, do Xurado Provincial de Clasificación de Montes Veciñais en Man Común de Pontevedra, polo que se publica o acordo de aceptación de revisión do esbozo do monte veciñal denominado Pedreira, Amproa, Castro de Senín, Villaverde, Montinho, Freixeiro e Montecelo (ID2954), Monte Castrosenín (ID4558), Monte Cachadeiras (ID2972) e Monte Campo de Cons e Monte das Ceñas (ID2978) da Comunidade de Montes Veciñais en Man Común de Mourente, no concello de Pontevedra (expediente RE24006).

O Xurado Provincial de Clasificación de Montes Veciñais en Man Común de Pontevedra acordou na súa reunión do 23.7.2025 aceptar a revisión do esbozo e a cartografía actualizada dos montes Pedreira, Amproa, Castro de Senín, Villaverde, Montinho, Freixeiro e Montecelo (ID2954), Monte Castrosenín (ID4558), Monte Cachadeiras (ID2972) e Monte Campo de Cons e Monte das Ceñas (ID2978), realizada polo Servizo de Montes de Pontevedra, con base nos seguintes feitos e consideracións técnicas.

Antecedentes e consideracións técnicas:

Primeiro. Con data do 17.6.2024, a CMVMC de Mourente (Pontevedra) solicitou a revisión do esbozo dos MVMC Pedreira, Amproa, Castro de Senín, Villaverde, Montinho, Freixeiro e Montecelo (ID2954), Monte Castrosenín (ID4558), Monte Cachadeiras (ID2972) e Monte Campo de Cons e Monte das Ceñas (ID2978). Por ese motivo, en aplicación da disposición transitoria décimo terceira da Lei de montes de Galicia, o 26.6.2024, o Xurado acordou solicitar ao Servizo de Montes unha proposta coa revisión do esbozo e a elaboración da cartografía actualizada dos montes veciñais citados, o que deu lugar ao expediente RE24006 no Servizo de Montes de Pontevedra.

Segundo. Logo da análise da documentación achegada coa solicitude, o Servizo de Montes emitiu informe o 13.5.2025 en que expón que:

– O obxecto da revisión é actualizar as resolucións de clasificación dos montes deslindados mediante a Orde do 28 de outubro de 2013 pola que se aproba o deslindamento total do monte veciñal en man común da CMVMC de Mourente (Pontevedra) (DOG núm. 215,



do 11 de novembro), co obxecto da súa matriculación no Rexistro da Propiedade. As resolucións de clasificación obxecto de deslindamento son as indicadas a seguir:

– Monte Pedreira, Amproa, Castrosenín, Villaverde, Montinho, Freixeiro, Montecelo, clasificado o 11.12.1981 cunha cabida de 27,90 ha.

– Monte Castrosenín, clasificado o 19.10.2000 cunha cabida de 13,71 ha.

– Monte Cachadeiras, clasificado o 20.2.2003 cunha cabida de 0,20 ha.

– Monte Campo de Cons e monte das Ceñas, clasificado o 28.10.2004 cunha cabida de 2,31 ha.

– Non consta contrato de xestión coa Consellería do Medio Rural.

– A CMVMC de Mourente dispón dun documento de ordenación forestal inscrito no Rexistro de Montes Ordenados de Galicia co núm. 360048 e vixente ata 2032.

– A CMVMC de Mourente ten outros montes veciñais clasificados con posterioridade ao deslindamento citado: O Casal, Peimouros, A Poza do Frade, O Canto do Regueiro, Valdapalla, Cons 5, Cons 6, Cons 7 e Cons 8.

– Consta a adquisición posterior ao deslindamento do monte Castro do Millo e outros en virtude do artigo 57 da Lei de montes de Galicia.

– Consta expediente de expropiación da Deputación Provincial de Pontevedra (PO-01-EXP/25) para a construción da rolda leste. Tramo PO-542 (Ponte Bora-O Pino) e PO-532 (Pontevedra-Ponte Caldelas). Acceso a Montecelo e Príncipe Felipe (Pontevedra).

– A planimetría, superficies e lindes dos montes deslindados corresponden cos indicados na resolución de aprobación do deslindamento do ano 2013 (DOG núm. 215, do 11 de novembro). A correspondencia entre os montes das resolucións de clasificación do Xurado Provincial e os montes deslindados é a que se indica a seguir:

– Resolución de clasificación do Xurado Provincial de Clasificación de Montes Veciñais en Man Común de Pontevedra do 11.12.1981:

Monte resolución	Superficie resolución (ha)	Nome monte deslindamento	Superficie deslindamento (ha)	Referencia catastral
Núm. 1 Pedreira	1,00	Peneirada 1 Peneirada 3	1,50 0,10	36900A13800087 36900A13700068



Monte resolución	Superficie resolución (ha)	Nome monte deslindamento	Superficie deslindamento (ha)	Referencia catastral
Núm. 2 Amproa	4,00	Amproa	5,82	36900A16800768
Núm. 3 Castrosenín	20,40	Castrosenín (sur)	15,48	36900A13300175*
Núm. 4 Villaverde	0,50	Villaverde 1 Villaverde 2	0,37 0,58	36900A12600317 36900A12500257
Núm. 5 Montinho	0,60	Montinho	0,50	36900A16600290
Núm. 6 Freixeiro	0,60	Freixeiro 1 Freixeiro 2	0,25 0,18	36900A12400147 36900A12300565
Núm. 7 Montecelo	0,80	Montecelo 1 Montecelo 2 Montecelo 3 Montecelo 4	1,42 0,17 0,14 0,03	36900A11800045** 1572104NG3917S 1571906NG3917S 1669201NG3916N

*Parte sur da referencia catastral (superficie total 29,26 ha).

**A superficie deslindada da parcela Montecelo 1 é de 1,63 ha. No ano 2015, a Deputación Provincial de Pontevedra expropia 0,21 ha (PO-01-EXP/25). Na actualidade, a parcela Montecelo 1 ten unha superficie de 1,42 ha.

– Resolución de clasificación do Xurado Provincial de Clasificación de Montes Veciñais en Man Común de Pontevedra do 19.10.2000:

Monte resolución	Superficie resolución (ha)	Nome monte deslindamento	Superficie deslindamento (ha)	Referencia catastral
Castrosenín	17,7080	Castrosenín (norte)	13,78	36900A13300175*

* Parte norte da referencia catastral (superficie total 29,26 ha).

– Resolución de clasificación do Xurado Provincial de Clasificación de Montes Veciñais en Man Común de Pontevedra do 20.2.2003:

Monte resolución	Superficie resolución (ha)	Nome monte deslindamento	Superficie deslindamento (ha)	Referencia catastral
Cachadeiras	0,20	Cachadeiras 1 Cachadeiras 2	0,04 0,08	36900A13800143 36900A13900223

– Resolución de clasificación do Xurado Provincial de Clasificación de Montes Veciñais en Man Común de Pontevedra do 28.10.2004:

Monte resolución	Superficie resolución (ha)	Nome monte deslindamento	Superficie deslindamento (ha)	Referencia catastral
Cons 1	0,21	Campo de Cons 1	0,18	2299006NG3929N
Cons 2	0,35	Campo de Cons 2	0,32	36900A16000573



Monte resolución	Superficie resolución (ha)	Nome monte deslindamento	Superficie deslindamento (ha)	Referencia catastral
Cons 3	0,89	Campo de Cons 3	0,84	36900A16600402
Cons 4	0,34	Campo de Cons 4	0,35	2398001NG3929N
Ceñas	0,52	As Ceñas	0,60	36900A16800275

Terceiro. O Servizo de Montes propón a revisión do esbozo total consonte a Orde do 28 de outubro de 2013 pola que se aproba o deslindamento total do monte veciñal en man común da CMVMC de Mourente (DOG núm. 215, do 11 de novembro), e coa correspondencia establecida no punto segundo deste acordo.

Cuarto. O procedemento de revisión de esbozos de MVMC vén regulado na disposición transitoria décimo terceira da Lei 7/2012, do 28 de xuño, de montes de Galicia.

A vista do exposto, este xurado

ACORDA:

– Aceptar a revisión do esbozo total dos montes que se indican no punto segundo deste acordo, segundo a proposta e planimetría elaborada polo Servizo de Montes.


Tal e como exige o parágrafo 3 da disposición transitoria décimo terceira da LMG, a presente aceptación da revisión de esbozo será posta en coñecemento da comunidade de montes propietaria e publicada no DOG para coñecemento do resto de posibles persoas interesadas.

Pontevedra, 3 de outubro de 2025

Antonio Crespo Iglesias
Presidente do Xurado Provincial de Clasificación
de Montes Veciñais en Man Común de Pontevedra



As copias en papel deste documento teñen a condición de copia e serán verificables a través deste código:
Código: GIS0692600 https://sede.xunta.gal/cve



Resolución de clasificación do Xurado de MVMC de Pontevedra do 11.12.1981; ID2954

Monte resolución	Nome monte deslinde	Superficie deslinde (has)	Referencia catastral	N.º
Núm.1. Pedreira	Peneirada 1	1,50	36900A13800087	1
	Peneirada 3	0,10	36900A13700068	2
Núm.2. Amproa	Amproa	5,82	36900A16800768	3
Núm.3. Castro o Senín	Castrosenín (Sur)	15,48	36900A13300175	4
Núm.4. Villaverde	Vilaverde 1	0,37	36900A12600317	5
	Vilaverde 2	0,58	36900A12500257	6
Núm.5. Montoiño	Montoiño	0,5	36900A16600290	7
Núm.6. Freixeiro	Freixeiro 1	0,25	36900A12400147	8
	Freixeiro 2	0,18	36900A12300565	9
Núm.7. Montecelo	Montecelo 1	1,42	36900A11800045	10
	Montecelo 2	0,17	1572104NG39175	11
	Montecelo 3	0,14	1571906NG39175	12
	Montecelo 4	0,03	1669201NG3916N	13

Resolución de clasificación do Xurado de MVMC de Pontevedra do 19.10.2000; ID4558

Monte resolución	Nome monte deslinde	Superficie deslinde (has)	Referencia catastral	N.º
Castrosenín	Castrosenín (Norte)	13,78	36900A13300175	14

Resolución de clasificación do Xurado de MVMC de Pontevedra do 20.02.2003; ID2972

Monte resolución	Nome monte deslinde	Superficie deslinde (has)	Referencia catastral	N.º
Cachadeiras	Cachadeiras 1	0,04 has	36900A13800143	15
	Cachadeiras 2	0,08 has	36900A13900223	16

Resolución de clasificación do Xurado de MVMC de Pontevedra do 28.10.2004; ID2976

Monte resolución	Nome monte deslinde	Superficie deslinde (has)	Referencia catastral	N.º
Cons 1	Campo de Cons 1	0,18	2299006NG3929N	17
Cons 2	Campo de Cons 2	0,32	36900A16000573	18
Cons 3	Campo de Cons 3	0,84	36900A16600402	19
Cons 4	Campo de Cons 4	0,35	2398001NG3929N	20
Ceñas	As Ceñas	0,6	36900A16800275	21